



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 69. Sargianensis Episcopi oratio in favorem Episcoporum titularium.

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

Sæcul. XVI.
A.C. 1563.

nec Decreta observari: idcirco necessario decernendum, ut, si Presbyteri Romæ ordinati non idonei fuerint, Episcopi non obstante illa ordinatione possint eos suspendere, nec fas sit suspensis per viam appellationis, aut alterius recursus, Prælati decretum impedire.

§. LXIX.

Sargianensis Episcopi oratio in favorem Episcoporum Titularium.

Sarpus l. c. Jam antea Guadicensis Episcopi sententiam circa Episcopos titulares exposuimus, contra hunc vero in eorundem favorem Simon de Nigris Sargianensis, seu Sarfanensis perorabat, hæc affirmans: „duo in Episcopo sunt consideranda, ordo, & jurisdictio: nam „ex ordine aliud non habet, quam quod „Minister sit Sacramentorum Confirmationis, & ordinis, & constitutione „Ecclesiastica auctoritatem habeat multarum consecrationum, & benedictionum, quæ simplicibus Presbyteris „sunt prohibitæ: verum quoad jurisdictionem auctoritate etiam gaudet „quoad Ecclesiæ gubernationem: porro „Episcopis Titularibus potestas duntaxat Ordinis est, sine jurisdictione, „adeoque non est necessarium, ut Ecclesiam quamdam habeant: si vero „antiquitus non consecraretur Episcopus

„pus

„pus sine data ipsi Ecclesia, hoc ideo Sæcul. XVI.
 „factum, quia ne Diaconi quidem, aut A.C. 1562.
 „Presbyteri consecrabantur sine titulo :
 „at postquam apparuit plus facere ad
 „Dei cultum, & Ecclesiæ amplitudi-
 „nem, ut Presbyteri sint sine titulo,
 „idem de Episcopis etiam concludeba-
 „tur, proin instituebantur Episcopi abs-
 „que Diæcesibus, quia ejusmodi Epi-
 „scopi erant necessarii, ut suppleant
 „munus Episcoporum ex causa legiti-
 „ma a suis Ecclesiis absentium, aut
 „denique illustrium Prælatorum, qui
 „majoribus negotiis implicantur.

Eodem tempore Cardinalis Lotha-
 ringius divertebat in eam Gallorum sen-
 tentiam, qua Concilium esse supra Papam
 affirmant. Fertur quoque, quod idem
 coram decem circiter Episcopis de eo-
 dem argumento sermonem ingerens ef-
 futire non erubuerit, hanc opinionem
 adeo esse veram, & certam, ac illud:
Verbum caro factum est: verbis tamen
 adeo temerariis in ipso Patrum con-
 ventu uti minime audebat, quamvis
 multa proferret, per quæ illis, quos
 præventio non excæcaverat, demon-
 strare nitebatur, quod insaniam saperet
 credere, Papam esse Concilio superio-
 rem: equidem Hydruntinus Archipræ-
 sul prolixo sermone Lotharingium re-
 fellere

Sæc. XVI.
A.C. 1563.

fellere nitebatur, sed irrito conatu; quippe suam sententiam nonnisi rationibus jam centies confutatis firmabat. (*) Verum ad hæc Lotharingius nil promptum habebat, nisi ut diceret: „cum in Francia natus sim, ubi hæc „sententia a potiori parte adoptatur, hinc

(*) Ubi autem sunt invicta ista argumenta, quibus opposita sententia jam centies confutata insulse jactitur: prodire varii Gallo- rum libri, quibus privatam suam opinionem tueri nitebantur, sed illorum argumenta levissimo brachio fuisse everfa, testantur infiniti propemodum Authores hac de re agentes; id saltem omnino certum est, quod Gallo- rum argumenta in nulla hucusque urbe, Provincia, aut regno, quod in avita sua fide circa Pontificis auctoritatem antea fuerat, ad- eo valida fuerint credita, ut ab eadem recesserit, quamvis inter ipsos Gallos plurimi sint qui cum potiori aliarum Ecclesiarum sententia conspirant: unde ad summum contraria opinio meliori jure dici poterit opinio Gallica, quam adversa Ultramontana: proinde Lotharingio magis digna vox fuisset, si dicere potuisset: hanc sententiam adopto, quia Universalis Ecclesiæ sententia est, quam quod dixerit, non recedo, quia in Francia natus sum.

hinc nec ego, nec ceteri Galli ab ea
recedere possunt., (**)

Sæcul. XVI.
A C. 1563.

§. LXX.

(**) Stupenda sane Galli hujus Continua-
toris arrogantia, & petulantia: ergone insana
est illa sententia, quam ante Basileensem Schis-
maticorum cœtum Universalis Christi Ecclesia
tuebatur, ubi per tot retro sæcula Oecume-
nica etiam Concilia suarum decisionum firmi-
tatem Pontificum approbationi in acceptis re-
ferebant, quoniam vero hæc Gallorum opi-
nio jam millies confutata fuit, nil ultra de his:
qua autem fronte Continuator sibi arrogat sen-
tentiam a tot Nationibus & Ecclesiis adopta-
tam tanquam insanam perfringere, qua au-
dacia hæc a Lotharingio fuisse prolata menti-
tur, cum tamen maledicus ejus Magister Sar-
pius, ex quo hæc defloravit, nequidem ad
tantam temeritatem prolapsus sit? Percipian-
tur illius verba: *Lotharingius, inquit ille,*
divertit in eam Gallorum assertionem, quod Con-
cilium sit supra Papam, adjiciens, ita defini-
tum a Concilio Constantiensi, & Basileensi, non
requirere se aliam ab illo Concilio declaratio-
nem: attamen, si cum Gallis consentire velint,
neesse esse, ut Decretis jam conficiendis nulla
verba inserantur, quæ ipsorum sententiæ præ-
judicent: cum Archiepiscopo Hydruntino esset
dicendi locus, multus fuit in Cardinale redar-
guen-

Hist. Eccles. Tom. XLVI.

U